

रिमझिम उतारू थारी आरती,

दोहा लीलो घोडो नवलखो,
मोत्या जडी लगाम,
घोडे चढिया रामदेव,
रूनीचा रो श्याम ।

ओ बाबा राम रणुजे वाला,
गल बीच मोतीयन की माला,
हाथ लिए हो भाला,
रिमझिम उतारू थारी आरती,
ओ बाबा रिमझिम उतारू थारी आरती ॥

घिरत मिठाई थारे चढे चूरमा,
धूपा री महकार पडे,
वीणा रे तन्दुरा थारे नोपत बाजे,
झालर री झनकार पडे,
ओ माता मैणादे रा लाला,
लीले घोडलीये वाला,
भगता रा हो रखवाला
रिमझिम उतारू थारी आरती,
ओ बाबा रिमझिम उतारू थारी आरती ॥

गंगा ने जमुना बहे सरस्वती,

रामदेव बाबो स्नान करे,
दूरा देशारा थारे आवे यात्री,
दरगाह रे आगे निवन करे,
ओ माता मैणादे रा लाला,
लीले घोडलीये वाला,
भगता रा हो रखवाला
रिमझिम उतारूँ थारी आरती,
ओ बाबा रिमझिम उतारू थारी आरती ॥

आंधलीया ने आँखीया देवे,
पांगलीया ने पाँव जी,
कोढिया रो कोढ मिटावे,
रूनीचा रो श्याम जी,
ओ माता मैणादे रा लाला,
लीले घोडलीये वाला,
भगता रा हो रखवाला
रिमझिम उतारूँ थारी आरती,
ओ बाबा रिमझिम उतारू थारी आरती ॥

हरि रे चरनो मे भाटी हरजी बोल्या,
नवखंड मे निशान धुरे,
चार खूट ओर चौदह भुवन मे,
धणीया थारी कलम फिरे,
ओ माता मैणादे रा लाला,
लीले घोडलीये वाला,
भगता रा हो रखवाला
रिमझिम उतारूँ थारी आरती,
ओ बाबा रिमझिम उतारू थारी आरती ॥

लाछा सुगणा करे आरती,
हरजी चंवर ढुलावे जी,
भाव भक्ति सु जो कोई ध्यावे,
मनवांछित फल पावे जी,
ओ माता मैणादे रा लाला,
लीले घोडलीये वाला,
भगता रा हो रखवाला
रिमझिम उतारू थारी आरती,
ओ बाबा रिमझिम उतारू थारी आरती ॥

ओ बाबा राम रणुजे वाला,
गल बीच मोतीयन की माला,
हाथ लिए हो भाला,
रिमझिम उतारू थारी आरती,
ओ बाबा रिमझिम उतारू थारी आरती ॥

गायक महेंद्र सिंह जी राठौर ।
प्रेषक मनीष सीरवी ।
(रायपुर जिला पाली राजस्थान)
9640557818

Source:

<https://www.bharattemples.com/baba-rimjhim-utaru-thari-aarti-ramdevji-aarti/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>